

¡BOMBA!

¿Verdad que se siente bello
que Inegi dé esa certeza,
y saber que la pobreza
no nos respira en el cuello?




K'uintsil

Jueves 14 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2542 · www.lajornadamaya.mx

Ku chíimpol'ta'al Yuri Knórosov tumen Yucatán yéetel Rusia; tu beetaj noj meyaj yóok'olal úuchben maaya ts'íib

/ p 20
Oochel Filey



U kúuchil Convento de San Antonio de Padua tu noj lu'umil Yucatán tu je'ek'abtaj u joolnajilo'ob yóok'olal xiinximbal e'esajil ku k'aaba'tik *Tu k'a'ajsajil Knórosov: In memorian Yuri Knórosov*, yaan u béeytal u cha'antal tak le 29 ti' agosto ku taala'. Ti'al le e'esajilo' yéeya'ab jejeláas xaak'al meyaj'ob beeta'ab tumen ruso wíinik, ti'al u yojéelta'al máakalmáak u woojilo'ob maaya ts'íib

E'esajile' béeychaj tumen táan múul meyaj ichil U Jala'achil U Lu'umil Yucatán ikil u k'ubéentmaj meyaj ti' u mola'ayil Secretaría de la Cultura y las Artes (Sedeculta), yéetel U Embajadaoil Rusia, ti'al u péektsilta'al xaak'al yóok'olal maaya miatsil, tumen beyo' ku túumbenkunsa'al xan u kuuch ichil u noj ba'alumbáaj miatsil te'el k'iino'oba'.

Meyaj beeta'ab tu ja'abil 1950 tumen j-úuchben ts'íib yéetel jrusoil lingüístae', tu ts'áaj u

páajtalil u ye'esik úuchben maaya ts'íibe' ma' u ch'a'amaj u moots chéen ti' woojo'ob mix xan chéen ti' ch'íikul wooj, tumen yaan juumo'ob ku chíikbesa'al. Yéetelo'obe' béeychaj u tukulta'al ba'ax u k'áat u ya'al le woojo'obo', beyxan u beeta'al u sutt'aanil le maayao' ti'al u na'ata'al bix u tuukulil le miastilo'.

Úuchik u chúunesa'al e'esajile', máax jo'olbesik u kúuchil Centro de Estudios Mayas Yuri Knórosov, Galina Ershova, tu beetaj jump'éel

noj tse'ek yóok'olal u meyaj Fray Diego de Landa, tumen tu ya'alaje', k'a'anan ti'al xaak'al beeta'ab tu paach tumen Knórosov.

Tu ts'ook tse'eke', u jcónsul honorarioil Rusia tu lu'umil Yucatán, Adrián Maldonado Repetto, tu chíimpoltaj u k'a'ananil u beeta'al meyaj'ob beya', tumen ku péektsilta'al juntúul jnoj xaak'al, ba'ale' beyxan u mu'uk'ankúunsa'al ba'ax p'ta'ab ti'al maaya miatsil ichil u kaajil le k'iino'oba'.